



Broj: 11-16.6-4286-4/15
Datum: 11.09.2015. godine

Na osnovu člana 64. stav (1) tačka b), člana 70. st. 1, 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), člana 3. Pravilnika o o postupku dodjele ugovora o uslugama iz ANEKSA II. DIO B Zakona o javnim nabavkama („Službeni glasnik BiH“, broj 104/14), na Preporuku Komisije za javnu nabavku u skladu sa Zapisnikom o radu Komisije broj: 11-16.6-4286-3/15 od 10.09.2015.godine, u postupku javne nabavke Stručne usluge-pomoć eksperta iz farmaceutske regulative, direktor Agencije za lijekove i medicinska sredstva donosi

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 11-16.6-4286-3/15 od 10.09.2015. godine, te se Ugovor za javnu nabavku usluga iz Aneksa II. Dio B Stručne usluge-pomoć eksperta iz farmaceutske regulative, dodjeljuje ponuđaču raPHARM d.o.o., Miklošičeva cesta 30, Ljubljana, Slovenija, za ponudenu cijenu od 1.955,83 KM bez PDV-a.

Član 2.

Za izvršenje ove odluke zadužuje se Sektor za finansijske poslove.

Član 3.

Ova odluka objavit će se na web-stranici www.almbih.gov.ba, u skladu sa članom 70. stav (6) Zakona o javnim nabavkama Bosne i Hercegovine, uz istovremeno upućivanje iste ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-16.6-4286-1/15 od 01.09.2015. godine.

Javna nabavka je provedena u skladu sa članom 8. Zakona o javnim nabavkama - Ugovori na čiju dodjelu se primjenjuje poseban režim po postupku dodjele ugovora o uslugama iz ANEKSA II. DIO B. Procijenjena vrijednost javne nabavke bez PDV-a je 1.709,40 KM.

Poziv za dostavu ponuda za stručne usluge –pomoć eksperta iz farmaceutske regulative objavljen je na službenoj internet stranici Agencije www.almbih.gov.ba u dijelu Javni pozivi i nabavke.

Komisija za javnu nabavku dostavila je dana 10.09.2015. godine Zapisnik o radu broj: 11-16.6-4286-3/15 od 10.09.2015. godine, sa prijedlogom za izbor najpovoljnijeg ponuđača i zaključivanje ugovora sa jedinim kvalifikovanim ponuđačem, u postupku javne nabavke usluga iz Aneksa II. dio B Stručne usluge-pomoć eksperta iz farmaceutske regulative.

Komisija je konstatovala da su dostavljene ponude sljedećih ponuđača:

1. raPHARM d.o.o., Miklošičeva cesta 30, Ljubljana, Slovenija, cijena ponude bez PDV-a 1.955,83 KM ,
2. Advokat Stevan Dimitrijević, Gundulića 4, Banja Luka, Bosna i Hercegovina, cijena ponude bez PDV-a 5.000,00 KM

Detaljnim pregledom dokumentacije utvrđeno je da ponuđač Advokat Stevan Dimitrijević nije ispunio sve kvalifikacione uslove iz tenderske dokumentacije, odnosno nije dostavio dokumentaciju kojom potvrđuje da je registrovano pravno ili fizičko lice za pružanje specifičnih usluga iz oblasti adekvatne implementacije EU propisa koji regulišu i definišu postupak davanja/obnove/izmjene dozvole za stavljanje lijeka u promet, s naglaskom na izmjene dozvole za stavljanje lijeka u promet. S obzirom da je farmaceutsko zakonodavstvo jedno od najviše regulisanih zakonodavstava u EU i čija implementacija u naše nacionalno zakonodavstvo zahtijeva pomoć stručnjaka koji se bavi samo ovom oblašću, Komisija smatra da ponuđač Advokat Stevan Dimitrijević nije kvalifikovan, jer je kao reference dostavio poslove koji nisu vezani za farmaceutsko zakonodavstvo EU.

Ponuđač raPHARM d.o.o. je dostavio dokumentaciju koja potvrđuje kvalifikacione uslove.

raPHARM, savjetovanje i obrazovanje, d.o.o. uspješno djeluje na području regulative lijekova i medicinskih sredstava. Za sobom ima iskustva, aktivno učešće i vođenje:

a) 13 međunarodnih projekata sa ciljem pomoći nadležnim organima na području lijekova i medicinskih sredstava u JI Evropi, koji su između ostalog obuhvatali i područja uređenja varijacija dozvole za stavljanje lijeka u promet (pripremu pravilnika),

b) Više od pedeset različitih konferencija, seminara i radionica na području regulative lijekova i medicinskih sredstava. Posebno je potrebno istaći međunarodnu konferenciju Implementation of the New Variation Regulation & Guidelines koja je publici iz regiona predstavila nove evropske propise na tom području te seminare s tog područja koji su predstavljeni industriji u Sloveniji.

O ekspertu koji bi bio nosilac sručne pomoći

Dr. Vesna Koblar, dr med. spec., ustanoviteljica preduzeća raPHARM d.o.o., ima dugogodišnja iskustva u radu nadležnog organa za lijekove i medicinska sredstva u Sloveniji na vodećim položajima i kao ekspert Evropske komisije, Savjeta EU, Evropske agencije za lijekove te u EU mreži nadležnih organa na tom području. Ima dugogodišnja iskustva na projektima pomoći državama koje se pripremaju za ulazak u EU (regulatorni trening zaposlenih, pisanje predloga zakona i pravilnika, organizacije rada nadležnih organa i njihovog strateškog razvoja). Znanja i iskustva koja pruža obuhvataju između ostalog i područje varijacija dozvole za stavljanje lijeka u promet kao neizostavnog dijela farmaceutske regulative.

Prednost eksperta je pored evropskog znanja i iskustava, poznavanje lokalnih prilika i propisa te jezika.

Komisija je predložila direktoru Agencije, u postupku dodjele ugovora o uslugama iz Aneksa II. dio B Stručna usluga-pomoć eksperta iz farmaceutske regulative, zaključivanje Ugovora sa jedinim kvalifikovanim ponuđačem **raPHARM d.o.o. Miklošičeva cesta 30, Ljubljana, Slovenija**, čija je cijena ponude bez PDV-a 1.955,83 KM, bez obzira što je ponuđena cijena naznatno prekoračila iznos predviđen u Odluci o pokretanju postupka nabavke, gdje je procijenjena vrijednost nabavke bez PDV-a 1.709,40 KM.

U postupku donošenja ove odluke, posebno su cijenjene činjenice da je Komisija, pravilno i potpuno, dala ocjenu ponude, u skladu sa kriterijima iz zahtjeva i poziva.

Iz navedenih razloga odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od zaprimanja ove odluke.

DOSTAVITI :

1. Ponuđačima,
2. web stranica,
3. Sektoru za finansijske poslove,
4. Komisiji za javne nabavke,
5. a/a

DIREKTOR

Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 301
E-mail: info@almbih.gov.ba
www.almbih.gov.ba



Prim. mr.ph. Nataša Grubiša, spec.

Велјка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 301
E-mail: info@almbih.gov.ba
www.almbih.gov.ba